


شمدی یہ قدر پاپیلان مناقصہ اصولیرنک ایراث ایلدیک

# مَضَارِات

اصلاحی ضمیمہ

عَلَى مَثَالِ الدَّلِيلِ بَيَانِ مَطَالِعِنَا



مؤلفی  
اردوی عثمانی ضابطانندن لوازم تنسیق مأموری قائم مقام

پاول میخائل

مترجمی  
بیادہ جوزباشیلرندن

محمد ماجد

E. M. M.  
Kut. phanesi

Es. No. : 797

Remiz : A.B. 102

هر حق محفوظدر .

قسطنطیبه

مطبعة ابوالضیا

۱۳۲۵

سمندی یہ قدر یا پیلان مناقصہ اصولیرنک ایراث ایلدیکی

# مَضَرَات

اصلاحی صمدیه

عَلَى مَثَالِ الْإِلَهِيِّينَ مُطَالَعَاتُ

مؤلفی

اردوی عثمانی شایطانندن لوازیم تسییق مأموری قائم مقام

پاول میخائل

مترجمی

بیاده بورماشیلرندن

محمد ماجد



T.B.M.M.  
KUTUPHANE

70-9

700015

هر حق محفوظدر .

قسط طبعه

مطبعة ابو الضیا

۱۳۲۵



﴿ ۞ ﴾ حريه ناظرينك مساعده سيلاه نشر اولتمشدر ﴿ ۞ ﴾



## مقدمه

حکومت عثمانیه احتیاجاتی 'لایق'له تأمینیه کافی صنایعه عدم مالکیتندن طولانی .  
احتیاجاتنک بر قسم مهمنی وبالخاصه اردو و بحریه سی امور اداره سنه متعلق تسلیحات ،  
تلبیسات ، تجهیزات ، اعاشه وسائر ادوات حربیه سی مثللو لایعد احتیاتی خارجدن تدارک  
ایتمکه مجبور بولنمقدمه در .

حکومت اشبو احتیاجاتنک تدارکی خصوصنده بویله سنه بسنه ممالک اجنبیهیه اقوب  
کیتتمکه اولان دهشتلی یکونلره مقابل بالعموم لزوم کوستریلان اشبارک هیچ اولمزسه  
نفاستیه برابر ممکن مرتبه مساعد بر فیثاتله تدارک اولنه ییلسنده پک زیاده منفعتدار اولمقله ؛  
اولا نفاستی و ممکن مرتبه نائیاده اوجوز اولمسی نظر اعتباره الیملیدر . زیرا : هیچ  
بر اشیا نقدر اوجوز اولسهده فنا وعادی بر اشیا قدر حکومت بهالی یه مال اوله مرز .

اگر حکومت حقیقتاً ای ، غیر قابل اعتراض وامینیتی سپارشاته نائل اولمق ایسترسه ،  
اداره ومعاملاتنده اولابالذات کندیسنک صورت مطلقهده اطراد ، امنیت ، قطعیت ابراز  
ایده جکفی تعهد ایملیدر .

اشته انجق خصوصات مذکورنک معلوم اولمسیله بر تجار کندیسندن طلب اولنان  
اشیا اوزرینه بالحساب اک دون فیثاتی اعطا وبالاخرهده مذکور اکدون فیثاتدن تسلیماتی  
کمال امنیتله ایفا ایتمکه مقتدر اوله بیلور .

حکومتک بر جوق سنه لردنبری تعقیب ایده کلیمکه اولدینی اصول مناقصه اطراد ،

قطبیت و امنیت اساسلارینک عکسی اولمق اورره ؛ یعنی عدم اطراد ، تردد و شبهه تولید ایتمشدر .

حال حاضر منافعه لر نده کی فئالق اداره حکومتک بالجله اقساميله عالم تجارتک ناموسپرور قسمنده بتون شدتيله محسوس اولمقدهدر .

معتبر و شایان اعتماد تجارتخانه لر سنه لر دنبری بو وجهله تمادی ایتمکده اولان احوال مشکوکیه قارشى يا حکومتک سپارشانه کمال احتراز ايله اشتراك ایلر ، و یا خود اشبو معاملات مشکوکدن طولانی کوزه الدیريله حق فدا کارلغک بیوکلی نسبتده کنیدیلرینی ضرر وزیاندن وقایه ایتک امليله یوکسک فیاتلرله طالب جیقمنغه مجبور اولدقلرینی حس ایدرلر .

هر حالدهده حکومتک زیانسه خدمت ایدلمش اولور .

اکبر حکومت ارتق سنوی بو صورته مبالغ عظیمه غائب ایتک ایستمرسه حال حاضر مناقصه اصولنی در حال لغو ايله یرینه بئکرار معاملات تجارتیه نک خلوص و امنیتنی جلب ایتمک مساعد، و معتدل فیاتلرله حکومته ای مال تدارک ایتک خصوصنی متضمن بر اصولک وضعی ایجاب ایدر .

بیانات آتیه اولا حال حاضر اصولنک مضرات وسوء استعمالاتنی تشریح ایتمکله برابر یکیدن تطبیق اولنه حق مناقصه اصولنک تنبیق و اصلاحی حقنده مقتضی و صابای مفصله نی اعطا ایلر .

و نهایت خاتمه سندهده لوازمات عسکریه یه متعلق بیوک مقیاسده برتدارکات اجراسی حقنده نمونه طرزنده بر مثال ترتیب اولنه رق اشبو مثالدهده نه کی ساده واسطه لرله کرك حکومت و کرکسه عالم تجارتک منافعنک تمامی محافظه سی شرطيله بر مناقصه اجراسنک قابل اوله بیله جکی ارانه اولنمشدر .

اشبو سطرلر حکومت عثمانیه نک بالجله دواړی امور اداره سنه راجع اولدینی کی عوامدهده شاملدر . زیرا : عمومه سیاناً تأثیر ایدن بر ضررتدن بحث اولنه جقدر .

بناءً عليه مضرات حاضره نك احساسيله حكومتك منافعه موافق صورته اصلاحى ،  
الحق هر طرفك تشبث و يارديميله ممكن اوله بيلور .

مضرات مذكوره نك اظهاريله علناً تشرح و ايضاحندن مقصد مؤاخذه اوليوب  
الحق بالعكس ناقابل تحمل اولان شو حالك ، سنده لرديري خزينه دولته آچمش اولديغى  
يارم لرك دهشتنى اعلام ايلدكدر .

فقط خطاني اكلامقدمه طريق صلاحه دوعرى آتيلش ايلك خطوه در .

ومن الله التوفيق !





## برنجی فصل

### شمدی یه قدر تعقیب اولنان مناقصه اصولنك مضراتی

۱. حکومت قرار و بردیکی مبايعاتی رسماً اعلان ایدنجیه قدر محرم طومامسیدر .

بیوجك براخذ واعطایه قرار ویرمن برتجار فعلیاتنه کیرشمزدن اقدام مذکور ایشی اك موافق اوله رق نه کبی طرق ووسائط ایله وجوده کتیره جکفی بالجله منافع و مضراتیله برلکده ملاحظه و موازنه ایدرك ، تصوراتنك اجراسنه اطمئنان نام حاصل ایلد کدنصکره اشته اوزمان . اخذ واعطاسنك تطبیق واجراسی خصوصنده میدان علانیه آتیلور . حکومته کذا عینی صورتده حرکت ایتلیدر .

حکومت اشیا تدارکی املنده ایسه . بو خصوصده کی مقصدینی رسماً اعلان ایده جکی آنه قدر کیزی طومقله برابر وقتندن اول خارجدن برکیمسنه نك اخذ معلومات ایلامسی ایچونده تدابیر لازمه به توسل ایتلیدر .

فقط حقیقته کی طرز معامله بویله می ؟ تمامیه عکس صورتی !

الحاله هده برچوق دواړك قلم و قوریدورلری برطاقم تجار و اصنافلر ( قومیسونجیلر ) له قاینبور ، بونلرك یکانه مشغله لری حکومتجه زرده ونه زمان ونه کبی بر مبايعاتك تصور ایلدکده اولدیغنی بورتی هر طرفه صوقه رق تجسس ایتلیدر .

بومثللو تجارلر تقرر ایدن مبايعه حقنده حس ایده جکلری اك اوافق برشایعه اوزرینه دز حال برداړه تشکیل ایدرك مذکور شعبه یی بر چوق تکالیف ونمونه لره بوغهرق آردي آره سی کسیملاز مدح و ستایش لریله شاشقنه چویرلر .



اشته حکومت هنوز مناقصه قائمه سنی رسماً اعلان ایتمزدن اول اکثریا مذکور ایشک در عهده سی بوا دملر میاننده اولچه سوزلشملش اولور .

عالم تجارتک ناموسلی قسمی ایسه چویریلان بو فرلداغه قارشى قوللری باغلی قاله جفتدن طلب واقعه مؤثر بر صورتده اشتراك ایله غلبه چالمق امکان خارچنده قالمش و یا خود پک کچ یتشمش اولور .

بونک ایچون هرشیدن اول دواړ واقلامی رسماً ایشی اولمیانلره قارشى سد ایله . بالذات مأموریتکده ، حکومتک مبیعاتلر حقننده کی مقرراتلرینک مکتوم طوتلمی خصوصنده موظف و مسؤل قیلنمسی ایجاب ایدر .

## ۲. مناقصه قائملری طرز احضارینک عدم کفایه سیدر .

هرتجار موقع مناقصهیه وضع اولان سپارش حقننده اطرافلیجه مقنع معلومات استحصال ایتمیجه اعطا ایدمکی صوئ فیائی تمامیه تقدیر و حساب ایدمه جکندن بالاخره یا ککشلغه محل قالماق اوزره قائمه اعلان اولان سپارش حقننده تفصیلات مکمله ویرلملیدر .

صورت عمومیهده سپارشات شرائطی حکومت طرفندن نه صورتله ترتیب ایدلملیدر؟ قائمه اعلانه اساس اتخاژ اولنه جق شرائطک وضع و تعیینی مؤخرأ بر جوق اعدیالاته مجبوریت حاصل ایتدیرمه جک وجهله اولملیدر .

شرائط مقتضیه نك حاله نك اجرا سندن صکره قونطورات دفتری نامیه بردفتره قید و تنبیتی اعتیادی اکثریتله عالم تجارتی . مناقصه دن اول سپارش اولنه جق ماده نك شرائطی حقننده متردد براقه جفتدن . بونکلهده فیاتلرک بالطبع منافع خزینسه خلافتیده اوله رق اولدقجه یوکسک اعطاسنه سببیت ویرلمش اولور .

چونکه : ارباب تجارتک اختیارینه مجبور اوله جفی تشبثک جسماتی نسبتندهده فیاتلک ترفع ایدمکی آشکاردر .

دیگر جهتندن مناقصه دن اول تعیین اولنمسی اقتضا ایدن شرائطک بعدالاحاله قونطورات دفترینه قید و تعیینی کیفیتی طالبلرک شرائط مذکوریه تبدیلی خصوصنده صرف ماحصل ایلمه رک ؛ منافع حکومتک عالم تجارت طرفندن یلغا ایدلمسنه چیغیر آچیلش

اولور . اشته مناقصاته كوريلان . فوق العاده تزييل فياتلرك سبي مذكور طالبك قونطورات دفتري شرائطي آرزوسى وجهله تغير ايدى جكنه قناعت كامله سى بولمغله قابل ايضاحدر .

هردرلو سپارشاتك موقع مناقصيه وضعندن مقدم ايلروده بر تبدلاته محل قالميه جق وجهله شرائطك تامبله تحديد و تعييني حالنده قونطورات شرائط دفتريتكده حكيمى قالماز . ( بيان مطالعات قسمته مراجعت ) .

مناقصه دن صكره قطعياً بر تبدلات اجرا ايديله جكنى . يعنى عموم طالبلر حقنده كمال خلوصه سياناً معامله ايديله رك بالاخره حاله سى اعطا اولنان كيسه حقنده ده هيج بر تسهيلات كوسترليه چكى تعهد ايدلىكى تقديرده .

عالم تجارتده . مذكور سپارشات شرائطنه توفيقاً بالحساب بر فيات تقديمه موفق اوله بيلير . حكومت تدارك ايدى چكى اشيا حقنده بالذات تجربه ومعلوماتك فقدانندن طولاي معين بر شرائط درميان ايدى ميه جك بر حالده بولنورسه اوزمان بر طاقم نمونه و تجربه لرله ممكن مرتبه شرائطي تعين ايتمكه جهد ايدوب فقط متعهدلره كندى حسابلرى اوزرينه نمونه لر اعطاسنى حواله ايدرك بويله لكه ده ايدايتمدن متعهدلرك آماله خدمت ايتمك مجبورى آلتده قالماسى توصيه اولنور .

اشته بوندنده بالمله اداره موقعلرينك انبارلرنده مدخر . وياخود موقع استعمالده بولمى مقتضى بكنسق مودلر برينه . بولنيدر دفتري بر چوق مختلف الشكل مودلر سبب و منشاى اكلاشيله جنى كى . بولنرك هيئت عموميه سندنده انتظار اولنان استفادىك استحصالى ممكن دكلدر .

بالذات مناقصه قائمى اعلان ايدى موقع . ايدى چكى سپارشات شرائطي حقنده الطمئنان تامه حاصل ايتامش ايسه حكومت حسابنه اوله رق اولان نمونه لر تدارك ايدر و بونونه لرى تجربه و تدقيق ايتدكدنصكره قبول اولنان مودل اوزرينه مناقصه سنى اجرا ايدر .

### ۳. جفته حاله اصولنك مضرتى

حال حاضر مناقصه اصولنده حكومت طرفندن حاله اوليه و حاله قطعيه نامرليه ايكى حاله مدتى تعين ايدلمشدر .

برنجی احواله مدتی بتون کون دوام ایدرک اومت ظرفنده تکلیف ورقلری اعطا اولنه جنی کی فیئات تزیلاتلریده یاپیله بیلور .

ایکنجی احواله حکومتک اولجه مناقصه قائمه سنده اعلان ایلدیکی وجهله . یوم مذکورده برنجی احواله اناسنده اک دون فیأت ویرنر میاسنده بئکرار بریوزده نسبتنده تزیلات اجرا ایتدیریلور .

بوچفته احواله اصولدن انتظار اولنان محسنات نهدر ؟

عجبا فیأتی قیرمق ایچونئیدر ؟ اصلا و قطعاً !

ناموسپرور اولان ارباب تجارت امتعه سنک صوک حدود فیأتی حساب و تعیین ایدم جکندن .

بالذات حکومت اولا رقیلرینک ویرم جکلری فیئاتلری اکلایه رق ، ایکنجی احواله مدتنده دها تزیل فیئات ایده یلک مساعده سنی بخش ایلد کدنصرکه ، هیچ برتجار ایلک احواله مدتنده حقیقی اوله رق صوک حدود فیأتی اعطا اتمیه جکدر .

اک خیر خاھانه اوله رق ایلک احواله مدتنده ویرم جکی اک اشاغی فیأتک هر حالده حکومتک ایکنجی احواله مدتی ایچون تعیین ایلدیکی یوزده مقدارنده فضله اوله جنی بدیریدر .

امور دبدہ برتجارک ایلک احواله مدتنده صوک حدود فیأتی در حال کشف ایتدیرمسی پک بجر کسزجه سنه برحرکت اوله جفندن .

در حال حساباتی ایلک احوالده علناً اعطا اولنان تکلیفات اوزرینه برنجی احوالده وقوع بولمق مراقبه ایله ایدیله جک تزیلات ، وبالخاصه ایکنجی احواله مدتندن استفاده ایله احوالہی دها اوجوز تکالیفله اسحصال ایتک اوزره احضار ایدر .

بناءً علیه اولاً بر کره مقصد حقیقی سنی رقباسنه قارشى ایکنجی احواله زمانه قدر کیزلمک مجبوردر .

ایکنجی احواله مدتنده ، احوالک بالآخره اصلاً اپی وشایان قبول برامته اعطا ایتک اقتدارینی حائز اولمیان بیاغی مراقبه جیلر طرفندن نظر دقتی جالب دون تکالیفله کندیلرینه نزع ایتک چالیشملری ، مذکور ایکنجی احواله مدتک حکومتی قدر بیوک تهلمکله القا ایتکده اولدینی کوریلور .

بو مثللو متعهدلرک قونطورات عقدنده ، قونطورات دفترنده کی شرائطی ارزولرینه موافق صورتده استحصال ایده جکلرینه وبالاخره فنا امتعه ویرمکلهده کندیلرینی زیاندن وقایه ایده جکلرینه قناعت کامله لری واردر .

فقط صوک حدود فیثاتی حساب ایتمش اولان ناموسلی بر تجارخانه هیچ بر زمان بویله ایکنجی بر احاله مدتیله صوک فیثاتی تنزیل ایتدیرمک تجربه سینه روی موافقت کوسترمیه جکلدر .

اوحالده بوچفته احاله اصولیه حکومتیه نه قزاندرلمش اولیور ؟  
بونکله اولا بالجله طالبلرک ، مؤخرآ وقوعبوله جق تنزیلاتلره مقابل شمیدین ممکن مرتبه یوکسک فیثاتلر اعطا ایتملری . ثانیآده ایکنجی احاله نیک یاییغی بر طاقم کسان طرفندن زورلانمی ، — ویاخود بویله کیسه لرک عدم موجودیتی حالده — ناموسپرور تجارانک نهایت صوک فیثاتلرینی ویرملری خصوصی قزانلمش اولیور ،

فقط اشبو صوک خصوصی حکومت یالکیز برتک احاله اصولنک وضعیلهده قزانه بیلور .  
انجق تکالیف مذکوره نیک مناقصه مدته قدر هر کسه قارشى شدتله محرم طوتیله رق مناقصه زماننده آجیلسینه ، وبویله جه هیچ بر رقیق ، دیکرینک ویردیکی فیثات حقنده معلومات استحصال ایلیه مامسی تداییرینه توسل ایله ممکن اولور  
بونکله برابردہ اعطا اولان بو تکلیفات اوزرینه ارتق بر دها تنزیل فیثات اجراسی طلب ایدلماکله .

هربر طالب تا بدایتدن اک دون وموافق تکلیفاتی تقدیم ایتمک مجبور قاله جکلدر .  
شمدیکی مناقصه اصولنده متعامل اولان چفته احاله مدتلرینک حکومت ایچون بالذات کندی کندینی الداتمق عبارت اولدینی کبی معتبر وعقیف ارباب تجارتیه قارشیده قورولمش بر دسیسه دن بشقه برشی دککلدر .

#### ۴ . قونطورات عقدینک معین بر اصوله تابع اولماسی

قونطورات عقدی معاملاننده دخی سپارشات شرائطی مثللو شمدییه قدر معین

بر نمونه نك موجود بولناماسندن : هر بر موقع اداره شرائط وقونطوراتلرينى بشقه بشقه شكل وصورته ترتيب ايتكمده بولنيورلر .

مختلف موقع اداره لرك عيى تجارله عيى امته اوزرينه مختلف صورته قونطورات عقد ايتدكلى پك نادر دكلدر .

اوت . عيى امته اوزرينه عيى تجارخانه ايله دوت مختلف طرزده قونطورات عقد ايدلىكى واقع اولديغندن ، بونك عالم تجارتده نه درجه لده بيوك بر سوء امنيته باعث اوله جى آشكاردر .

فقط بوسو امنيتدن متولد زيانى كيم تضمين ايديور ؟ دأما حكومت !  
زيرا : عدم امنيت طالبرك تشبثى فداكارلى درجه سنده اعظام ايتكمده طولاييسيله فياتلرك ترفعه سبيت و برلمش اوليور .

بناء عليه ، بالجله سپارشات قونطوراتلرينك يكنسق بر نمونه و ممكن مرتبه معين قونطورات شرائطى اساسلرينه توفيقاً اجراسى خصوصنه جهد ايتك ايجاب ايدر .  
( نهايته اراه اولنان نمونه مراجعت )

## ۵ . عالم تجارته ايضاع ايديلان مشكلات

حال حاضر مناقصه اصولك معاملات تجاربه الق ايتدىكى عدم امنيتله برلكده ، عالم تجارتيده بالآخره حكومته پك هالى به اوتوران برسورو مشكلاته سوق ايتكمده در .  
اجنبى تجارخانه لرى قونطورات معاملاتك يالكز تركه لسانى اوزره قيد و قبولندن طولايى يوكسك فياتلره مقابل ، موقع مذكوره مقيم ىرلى قوميسيونچيلر استخدامنه مجبور قالمغه برابر ، رسماً موجود مشكلاتلردن برنجيسى بالعموم سپارشاتلرده طالبرك تكليف ورقريله برلكده اوله رق سپارش اولنه جق ماده نك ۱۰ ى نسبتنده بانقه كفالتى صورته بركفالت اچمسنك اعطاسنه مجبور طوتلريددر . بويله بربانقه كفالتندن مقصد نه در ؟

انجق بالآخره تعهداتى ايفا ويا اكال ايدمديكى تقديرده حكومتى واقع اوله جق زياندن وقايه مقصيده النور .

ای اما احاله دائمی بتون طالبلردن یالکیز بریسی اوزرینه اجرا اولنسه بیلور . او حالده نیچون هان احاله دن اقدم عموم طالبلردن و باخصوص احاله ی قزانمسانلر ایچونده بیهوده بر مصرف اولدینی حالده . اولدقچہ یوکسک تقدیر اولنمش بر کفالت ایچمسی طلب ایدلمکده در .

مثلاً ۱۰۰,۰۰۰ لیرا ق بر مناقصه قائمسی اعلان اولنسه هر بر طالبک ۱۰٪ نسبتده یعنی ۱۰,۰۰۰ لیرا ق بر بانقه کفالتی تدارک ایتمسی اقتضا ایدر . مذکور سپارشہ یالکیز ۲۰ طالبک اشتراک ایتدیکنی فرض ایدر ایسہک سپارشاتک مقداری ۱۰۰,۰۰۰ لیرا اولدینی حالده بهرینک اعطا ایدہ چکی کفالت ایچمسنک مقدار یکونی ۲۰۰,۰۰۰ لیرا اولمش اولور .

بویله بر بانقه کفالتنک تدارکی شہمسز هر طالب طرفندن یوکسک فیثائلہ فاض مقابلنده اولہ جنی و کذا هر طالب طرفندن بویله بر کفالت ایچمسنک استحصالی امرندہ اشبو مصادقاتک تزايد ایدہ چکی طبیعی اولمغله ، تکلیفاتلرینک حین تقدیمندہ بونلریدہ حساباتلرینہ ادخال ایدرک اعطا ایدرلر .

بوحالده حقیقتده شو بانقه کفالتنی کیم تادیہ ایتکده در ؟

طالبلر اولوب ، قسم اعظمی حکومت تادیہ ایتکده در !

بعضاً مناقصه دن صکرہ احاله سنک اجرا ایدلمیزک مقرر اولان مذکور تدارکاتدن بسبتون صرف نظر ایدلیدیکده اندر دکلدر .

قرارک اوزامسیله ، بالعموم طالبلرک اعطا اولنسان بانقه فاضلردن متضرر اولہرق ، زیانلرینک تزايدی بدیهیدر .

مناقصه قائملرینک اعلاننده ، طالبلره احاله اجرایی مدنک تعیین اولنمیزرق ، بالعکس احاله قرارینک اکثریای هفته لرحه مدت اوزادیلنسندن تولد ایدہ چک زیانکده بیوک اولہ جنی آشکار اولدیغندن .

بو منللو احوال مشکوکه قارشوسنده معتبر تجارتخانهلر قطعاً حکومتله معاملہ یه کیریشمالر ، و یا خود کیریشملر بیلہ اولجہ بر کرہ دوچار اولدقلری مصارفاتی چیقارمغه جهد ایتک اوزره کیریشہ چکاری واضحاً کلاشلغله .

بناءً عليه دائماً مصارقاتی چکن ینه بالذات حکومت اولدینی تبین ایدر :

بانقه کفالتی ارايه ایتک خصوصنده موجود نظاماتک . حکومتیه اک جزئی بر فائده بيله تأمین ایدمه چکندن .

بوندن یالکز بانقهرک، حکومتک سنوی فوق العاده بریکونده وقوعولان مناقصه اعلاندريله ظهور ابدن بر چوق طالبلردن مشروط قیلدینی یوکسک نسبتده بانقه کفالتلرینک اعطاسيله استفاده ایتکده در .

حکومت کندی امنیتی ایچون حقیقتده احاله نیک کیمک اوزرنده قاله جقهسه، تأمیناتکده یالکز اوندن اوله رق ، احاله نیک اجر اسندن صکره . فقط قونطوراتک عقدندن اول طلب ایدلمسی تاممیله تأمین ، قصده کفایت ایدر .

اکر حکومتک بانقه کفالتی ویردیر مکن مقصدی . مناقصیه اقتدار وقابلیتلی عدم کافی بر طاقم طالبلرک اشتراک ایدمه مامسی اساسنه مستند ایسه ؛ بونی پک اعلا طالبلرک زیانی موجب اولمه جق وبالاخره ضرریده کندیسنه دو قونمیه جق وجهله حکومتجه مصدق برر اوراق مثبته ایله ده استحصال ایدمه بیلیر .

اجانب حقنده اوله جق اشبو تصدیق نامه لک محل مذکورده بولسان قونسولوس ویاخود سفارتخانه لر طرفندن تاممیله تدقیق وتصدیق مشروط قلملیدر .

حال حاضر مناقصه اوصولک نقاط اساسیه سی خلاصهً بر دها تدقیق اولندوقده ، سپارشات شرائطيله قونطوراتلر عقدنده بر اطراد سزلق ومناقصه لره اشتراک خصوصنده مشکلاتلر ، حاصلی هیئت عمومیه سیله معاملات تجاریه یه قارشی بیوک بر امنیتسزک بخش ایلدیکی مشاهد اولور .

فقط بونلرک جمله سی بردن طالبلرک هر آن فیاتلرینی تزید ایتلمه یه اجرای تأثیر

ایده جکندن ، معتبر تجارتخانه لړك حكومتله ایفای معامله دن چكهنه رك كړی چكملرینه  
ونهایت برنوع معامله جیللكك توسعنه میدان ویرلمش اولمغله ؛  
فقط بتون بو او یغونسزلقلرك زیاتی ینه یالکیز حكومت چكمله در !





## ايكنجى فصل

---

### توحيد مبايعات حال حاضر مضراتنه خاتمه چكە جكمى

سالف الذكر بيان و تشریح اولان مضرات همان هر طرفجه طائش اولمغله ، بوميانده حكومتك بتون سپارشاتك يكنسق بر اصول مناقصهيه ربطيله ، حال حاضر امور و معاملاتنه كي امنيتسزلكي بر طرف ايتك اوزره صورت مخصوصده بر مبايعات قوميسيونك تشكيلي توصيه اولمغشدر .

يعنى بونكله ارتق استقبالده هيچ بر شعبه اداراهنك كندى مبايعاتى بالذات كديسنه تدارك ايتديرليهرك ، حكومتك كافه مبايعاتى ايچون بر مركز - مبايعات - قوميسيونك مجدداً تشكيلي و مذكور قوميسيونه عموم شعبات اداره طرفدن صاحب وقوف برر مأمورك تعينى لزومى درميان ايتديكي استدلال اولمغدهدر .

بويله بر مركز - مبايعات - قوميسيونك تشكيلي حقنده كي وصايا . امور معاملاتنه كي امنيتك ترايديله برلكده بوجه آتى محسناتى شامل اولدينى بسط و تمهيد ايداك ددر .

۱. مبايعاتك دها اوجوز اولمى .
۲. مناقصه معاملاتك تسريى .
۳. مأموريندن تصرف .
۴. مؤثر بر قوتروله مالك بوللمسيدر .

اشبو بيان اولان اساسلى قيصهجه بر تدقيق ايدلم .

۱. عموميتله سپارشاتك بيوكلكى نسبتنده فيئاتنكده اشاغى اوله جنى بك ادوغريدر .
- بوكا نظر آ طوپدن مبايعه اصولى شاين توصيه ايسده ، فقط بوكليتلى سپارشات ، مبايعه ايدن طرفى بسبتون بيوك بر تهلكيه القا ايتك محذورنى احتوا ايدر . حكومت

ممالکی داخلنده بولسان بالجله اداره لرینک عینی جنسدن اولان احتیاجاتی بر-سپارش صورتند بر آرمه طوبلایه جق اولورسه ، مثلاً : کمور ، انشا آته متعلق کرسته ، غاز صویی ، شیاق الخ کبی مواددن برینک بو وجهله توحید اولنه رق طوپدن مبیاعه-سنه قالقشلمسی مذکور سپارشک کسب ایده جکی جسامت فوق العاده دن طولای ، بونی تک بر تجارتخانه ک بالذات کندی اقتداری داخلنده قبول واعطاسنه امکان قالمیه جغندن .

ایمدی حکومت سپارشاتک جسامتدن طولای مذکور سپارشاتی قبول و درعهده ایتدیرمک اوزره طالبلرک بر بریله اتفاق ایتملرینی اجبار ایتمش اولمغله ، بالذات متعهده لک عالمک زورله بر دائره تشکیل ایتمارینه سوق ایدلمش ، بوصورتله تشکل ایدن سندیه قه لکرده پک آز زمان ظرفنده کندی شرائطلرینی حکومته تلقین ایده جکلرندن طولای ؛ کلیتلی سپارشاندن استحصال اولان نتیجه ، فیأنک اوجوزلنی اولیوب بالعکس اولدقجه بر فیات ترغنه بادی اولمش اولور .

۲. توحید مبیاعاتک یکنظرده مبیاعاتی تسریع مأمورینی تصرف ایدر کبی کورینیرسه ده بوکورونیشک آنجق متعهده لک یالکیز دائما بر موظف موقعله مناسبتری اولمق ملاحظه-سنه بناءً سرد اولتمش صرف بر ظاهری سرعتدن عبارتدر .

اولا بونک طرفندن تکمیل دوائر شعباتک مقدار احتیاجلرینی سؤال و تعین ایتمک اقتضا ایتدیکندن ، بتون حکومت دوائرینک احتیاجاتلرینه دائر ویره جکلری اخباراتک یالکیز اشبو مرکز مبیاعات قومیسوونکده طوبلانسیله بر جوق زمان ضایع ایدلمش اولور .

۳. مأموریندن تصرف مسئله-سیده بونک کبیدر . زیرا مواقع اداره لری صورت مخصوصه ده کندی منطقه اداره لرینه مقتضی مواد وسأره یی ینه آنجق کندیلری بیلوب حکم ایده جکلرندن ، بر جوق خصوصاتده سپارشات شرائطک مذکور شعبات اداره طرفندن ترتیب واحضاری ایجاب ایده جکلر .

سپارشاتک احضارنده مأموریندن تصرف ایدلماش اولمغله ، سپارشاتک حین تسلیمنده دخی اپی مقدرده مأمورینک تزییدی احتیاجی حاصل اولور . سپارشاتک تسلیمی آنجق هر شعبه اداره نک کوستردیکی لزوم مقدرنده اوله جغندن ، کندی مأمورلرینک دائما تکرر ایدن سپارشاندن سنه لرجه بر تجربه نک محصولی اوله رق ایجاب ایدن معلوماتی

۱. اكتساب ايتمش بولنه جققلرندن ، آرتق آيروجه فضله برهمته محتاج اولمق سزىن تسليم اولنان اشيا نك ابي وقابل استعمال اولملرى نقطه نظرندن تفتيشه مقتدر اوله بيليرلر .

برمرکز مبايعات قوميسيوننك تشكيلى اداره حكومت ايجون مختلف الجنس برچوق تسليماتلرك اخذ وقبضنده متعدد خصوصى تفتيش مأمورلرينك وجودينه لزوم حاصل ايدر .

۲. تسليماتلرك واسع برص ورتده و معلم مأمورين طرفندن تفتيشلرى شهسز مؤثر اوله جقندن . كليلى سپارشانده وبالخاصه متعهدلرك اشبو استقامتسزلك و دساسلقلرنده بوكا دها زياده لزوم حاصل اولور .

زيرا كچوك سپارشانه نظراً بوراده حيله كارلقلرينى كيزله مك خصوصى قولايلاشير . بونكله برابر سپارشاتك تسليم اولنه جققلرى موقعلره ، براى تفتيش اصحاب وقوفدن مأمورين اعزامى لزوميده حاصل اوله جقندن حكومت ايجونده پك مصرفلى اولور .

معاملاتك توحيدى . صورت مخصوصده بر مبايعات قوميسيونى هيئاتنك تشكيلى حالانده اشبارك سپارش و تسليملى مذكور قوميسيون هيئاتى طرفندن اجراسنى ايجاب ايتديره جكندن .

يالكنز اشيا نك سپارشى مذكور قوميسيون طرفندن اجرا اوله رق تسليم اولنان اشيا نك تسلى ايسه اولجه اولدينى كجى ينه مواقع اداره شعباتك عهده سنده بر اقليسى ، كرك متعهدلر وكر كسه مذكور شعبه ايله مبايعات قوميسيونى آره سنده وعلى الخصوص شرائطه توافق ايتيمان تسليماتلرده برچوق مشكلاتك تحدثنه سبب اولمش بولنه جقدر .

اشبو اختلافات پك نظر بيقيدى ايله باقيه ميه جق صورته مخبراتك تزايدىنى موجب ومأمورينك حدود مسئوليتلرينك احسانى مستوجب اولمغله ، بر موقع يرينه ايكي موقعله معاملاتنه مجبور بولغلى بالذات عالم تجارته ده سيوك بر عدم امنيتك ظهورينه باعث اوله جقدر . سالف الذكر ( ۱ - ۵ ) قدر اولان مطالعاتدن حكومتك كافه احتياجاتك بويله برمرکز مبايعات قوميسيونى طرفندن تدارك نك خزينه دولته منفعت يرينه مضرت توليد ايدم جكنه قناعت كامله حاصل اولمشدر .

۵. مالرملر تدارك نك پاره اداره سندن تفريقى اداره حكومتك شكل و تقسيماتنه ده

مغايردر .

بودجه به مالك اولان هر بر موقع اداره ، مذکور بودجه يي باشلی باشنه اداره ایدمه يئلك صلاحیتيله آنجق بالاخره پارملرک ائی ومطلوبه موافق صورتده صرف واداره ایدلمسندن مسؤلیتی قبول ایدمه ییلیر .

بر مرکز مبیاعات قومیسسیونک تشکیلی بتون مسؤلیتلی آلت اوست ایدمه جکی کبی ، هر شعبه اداره مک وظیفه سنه اولان مراق ومحتفی ده خللدار ایدمه جکندن ، بوخصوصده وقوع بوله جق جهد وغیرتئر آنجق احتیاجلرینه غیرکافی بولدقلمری تسلیمات حقنده اوزون اوزادی به مخبریه کیرشمکدن عبارت قاله جقدر .

۶. مبیاعاتک بر قومیسسیون مخصوص طرفندن اجراسنده ، یالکیز بر فائده تأمین ایدلمش اولور که اوده معاملاتک توحید ایدلمسیدر .

فقط بوکا ، نظارت حکومت طرفندن بالجله مناقصه معاملاتق ایچون تکمیل دوائر اداره به شامل اولق اوزره یکنسق بر نظامنامه مک تحدید و تعینیه موقع تطبیقه وضعی حالنده ده موافقت حاصل اولور .

( صحیفه ۲۳-۳۱ ) مطالعه سی .

مناقصه معاملاتک تحقیق وتدقیقنده کوریه جک بویه بر اطرادک عالم تجارته بخش ایدمه جکی امنیت فوق العاده ثمره سی اوله رق اعطا ایدیه جکلری تکلیفاتلرده موافق فیاتلرله خزینه حکومتی خلیجه منفعتدار ایدرلر .



## اوچنجی فصل

...

### مناقصاتك صور مختلفه سی

۱. حکومت عثمانیه مناقصاتی شمدی به قدر یالکیز مواجهه عمومیه مراجعت صورتیه اجرا ایلشدی . یعنی بانقه کفالتی ابراز ایدن کیف ماتفق هر قننی بر طالبکده مناقصه به اشتراك ایتسنه مساعده ایدر ایدی .

بو نوع مناقصه نك هیچ شهسز علنی دعوت ايله در عهده اولنه جق ماده ایچون طالبلری غیر محدود وکنیش برداره داخله جلب ایتك وبونکلده ممکن مرتبه بیطرفانه حرکت ایدلمش اوله رق ، خزینه حکومتکده بیوجك بر مراقبه ايله مناسفی تأمین ایدلمش اولور .

طالبلرك غیر محدود برصورتده دعوتلرینك بیوك محذوری اولوب ، اشبو محذوره شایان اعتماد اولمان بر طاقم طالبلرك مراقبه اشتراك ایتلریدر . زیرا : طلب اولنان بانقه کفالتی حد ذاتنده مذکور طالبك درجه قابلیتله شایان اعتماد بولنسنه قارشى بر تأمینات اعطا ایدمزر .

اکثریا طالبلر میاننده کندی اقتدارلری فوقنده ایشه تشبث ایدنلرده بولنورکه بولنلرده بر طاقم مادر ابارلقلره قالفه رق نهایت تعهداتلرینی ایفایه مقتدر اوله مزلر .

حکومت غیر محدود عمومی مناقصه لرده تکمیل بو محذورلری نظر اعتباره آلفه مجبوردر .

عمومی مناقصه نك یالکیز ، متعهدلرك هنر و اختصاصلرینك مذکور امتعه نك فیاتنه يك آز اجرای تأثیر ایده بیله جك سپارشات اوزرینه اجرایی موافقدر . خام مالزمه لر یعنی معاملات عمومی تجاریه به متعلق امتعه لر باشلیجه عمومی مناقصه لرله تدارك اولنورلر . مثلاً : یوك ، پاموق ، کوساله ، غاز صوبی . کور ، برنج الخ .

احاله نك هیچ بر زمان هان اك اوجوز فیات اعطا ایدن اوزرینه بردنره اجرایی جائز اولیوب ؛ مکر مناقصه یی اجرا ایدن موقعك اولاك دون فیات اعطا ایدمك شخصی ايله درجه قابلیت حقدنه تحقیقاتده بولنمسی اقتضا ایدر .

اکبر شخصک معتمد بولمسنده برشبهه حاصل اوله جق اولورسه ، اوحالده احوالهک ولوکه دها بوکسک فیائنده اولسه بيله اقتدار و قابلیتی جهتیله قطعياً اعتماد اولنه بيله جک برطالیک اوزرینه اجرایی ترجیح اولمیلدر .

زیرا : هیچ برایشا نقدر اوجوز اولسهده فنا وعادی برایشا قدر حکومت بهالی یه اوتورمز .

۲. حکومت امتعه عمومی تجاربه دن ماعدا مهم بر قسم تشکیل ایدن سپارشات سائره ایچونده مناقصه اجراییه مجبوردر . مناقصه مذکوردهک موقع فعله وضع و تطبیق ، دهها اهمیتی بر اثر اعتماد مالکیت ایله معلومات فیه صاحبی اولمغه توقف ایدر . مثلاً : چوخه ، آراهه ، اسلحه ، کاغذ ، ماکنه لر . . الخ سپارشاتلرده اولدینی کبی .

بوکی احوالده هویتی مشکوک طالبرک تابدایتدن دخول واشتراکیرینی منع ایچون مناقصهک عمومی یا بیلیهرق . مناقصه قائمه سنک صاحب وقوف طالبردن مرکب محدود بردارمه تخصیص ایدلمی ، یعنی بالخاصه بومثللو سپارشات الویشلی واقتدار وقابلیتی مصدق تجارتخانه لرك دعوتی تنسیب اولنور .

احتیاجات مختلفه ایچون دائمی بر طالبر لیسته سنک طوئیلمی و خصوصیه مذکور لیسته به برقفی بروقده تعهداتی ایفا ایدمه برک فنا مال اعطا ایلش اولانلرکده بر دهها استقبالده مطالبه اشتراک ایتدیرلما می ایچون قید وتشهر ایدلمی شایان توصیه در .

ایمدی بوکا قارشی خصوصی مناقصه لرده نظر دقتی جلب ایدن بیوک بر محذور وارکه اوده مذکور تجارتخانه لرك امر انتخابی تمامیه مناقصه یی اعلان ایدن موقعک عهدمه سنه ترك ایدلمش اولمسه . قائمه اعلانک یک بیطر فانه اجرا اولنه مامسی تهلک سیدر . فی الحقیقه دوعبریدر ، لکن بو محذورکده بر نظامه توفیقاً در حال بر طرف ایدلمی ممکندر .

(۱) هر قائمه اعلانده دائماً ممکن مرتبه ملل مختلفه دن اولق اوزره لاقل بش عدد تجارتخانهک مطالبه اشتراک ایتدیرلمی و

(۲) احوالهکده شرائطه موافق نمونه نظر آک دون فیات اعطا ایدمهک اوزرینه اجرایی مجبورت تحتنده اولمیلدر .

شو صوک در میان اولنان قاعده ایله طرف کیرک تمامیه قالدیرلمش اوله جقندن . امین ومعتمد طالبرک انتخابیه برکرم حکومت شایان اعتماد مال تسلیم ایدیه جکنه

انتظار اولنه جفی کبی ، بدایتدن عادی و مشکوک کیمسه لر کده اوزاق بولندیر یله رق  
صوقولملرینه فرصت ویرلیه جکی ، وبووجهله ده مناقصه خصوصیه نك عمومیه نظر آ  
حکومتی بتون هر درلو ناموسنرجه سنه تصنیعاتلره قارشى تماميله امنیتده بولندیر مرق واشبو  
بیطرفانه معامله ایله ده عالم تجارتیه نقدر امنیت قزاندرلمش اوله جفیده تصور اولنه بیلور .  
خصوصی مناقصه نك اردو وبحریه دارملرنجه اتخاذی دها زیاده شایان توصیه در ،  
زیرا : بوجه بالا تعداد اولنان محسناندن ماعدا صورت خصوصیه ده مقاصد عسکریه  
متعلق احتیاجات ایچونده تدریجی اوله رق شایان اعتماد و صنایع عسکریه نقطه نظرندن  
مجهز متعدد فابریقه لر یتشدیر یله جکنندن بویله شایان اعتماد تجارتخانه لرك الده بولندیر لمسی ،  
بالخاصه بر حرب ظهورنده بک اهمیتلیدر .



## دردنجی فصل

### مناقضه نظامنامه‌ی حقنده بیان مطالعات

۱. مناقضه قائمه‌سنگ احضاری .

۱. هر بر مناقضه قائمه‌سنگ ، كرك عموم و كركسه خصوصى اولسون ترتيب واحضارنده ، اولاً سپارشات شرائطك تماميله وضع و تعيينندن باشلامليدر . متعهد بوشرائطه نظراً سپارش اولان ماده‌نك و بوندن ظهوره كله‌جك تكلفاتك كمال امنيتله تحليل و تدقيقه مقتدر اولمليدر . اكر شرائط واضح اولماز و متعهدي تردده براقيرسه ، بوحالده تشبثي اعظام ايدرك طولاييسيله ده فيائتي حكومتك مضرتنه اوله‌رق تزبيد ايدر . ايمدى بالعموم مناقضه قائمه‌لرنده دائماً معين برطاقم شرائطك تكرار ايتمسندن طولايي اشبو شرائطك كافه شعبات اداره حقنده مطبوع نسخهلرله دائمي اولمق اوزره ثابت برصورتده تعييني مناسب اوله‌جفندن . بونكله ايش وزماندن فوق‌العاده تصرف ايديله‌جكي كبي ، بتون شعبات اداره ده متحد و عيني مقياسده اوله‌رق مناقضه‌لرك اجراسنده موفق اولمئش اولور .

۲. سپارشات شرائطك ، عمومي و خصوصى سپارشات شرائطي ناميله ايكي قسمه تفريقي موافق مصلحت اولمغله شرائط عموميه ، دائماً باجلمله مقاولانده صورت عموميه‌ده ذكر اولمئسي ايجاب ايدن شرائطدركه بونلرده :

تكاليفك شكل و صورتى .

نمونه‌لرك تقديمى .

تكاليفك آچيلسي واك دون فيئات اعطا ايدمك استحصالى ، واحاله‌نك اجراسى مدتلك تعييني .

عنى سويده بولنان تكاليف حقنده ايديله‌جك معامله ،

ايفاسنه مجبور بولنه‌جنى تاامينات ،



تسليمات مدتتلىله مذكور مدتلك محافظه اولنه مامسى تقديرده ايديله جك معامله ،  
تسليماتك تسلى واعاده اولنان امتعك حكومتك انبارلرندن وقت زمانيله قالديرلمدينى  
حالده استيفا اولنه جق ارضى به اجرى .

تسليماتك تاديهسى .

اختلاف ظهورنده ياييله جق معامله .

حكمه موقى .

قونطورات مصارفاتيله . كمرک . پول . تمغا وساره .

هديه تقديمى منوعيتيله ، تقديمى حالده صورت مخصوصهده وضع اولنه جق قونطورات  
جزاسنك تعيينى كيفيتلى اولوب بونلرله قانون اتخاذاي ايجاب ايدر .  
بونك حقتده قونطوراته دائر وريلان مثالده تفصيلات لازمه اعطا ايدلمشدر .

۳. شرائط خصوصيه . شرائط عموميه نك شكل و محتوياتنه قارشى خاصة طلب اولنان  
سپارشاتده وجودى لازم اولان بروجه آتى شرائطى درميان ايدر .  
۱. سپارش اولنه جق ماده و مقدارى .

بوکا دائر و بريله جك معلوماتك متعهد طرفندن اوکا كوره حركت ايدىلك ايجون  
مكن اولدينى قدر دوغرى اولمسنه دقت ايتليدر .  
ب . سپارشاتك نوع و جنسى .

سپارشاتك حقييله تعريف و توصيفي ضمننده مكن ايسه قبالى و مهرلى ظرفلرله نمونه  
وشكللر كده علاوهسى لازمه دندر .

ج . تسليماتك وقوع و جوفه جنى موقعك قطعى صورتده تعيينى و بالخاصه نول و نقلات  
اجوراتى نقطه نظرندن پك مهمدر .

مناقصه قائمسنى احضار ايدن موقعك ، مذكور سپارش حقتده نقليه سنك بالذات  
درعهده ايدلمساييله . متعهد ينه ترك اولمى خصوصاتندن هانكيسنك منافع حكومه  
موافق اوله جفنى تأمل ايتليدر .

تكاليفك على الاكثر متعهد طرفندن ايكي صورت اوزره ترتيبى طلب اولور .

اولا ، فابريقه موقعنده كى فيئاتى و

نأیاده ، مذکور موقعدن تسلیم اولنه جق محله قدر اولان فیائی در .  
د. تسلیمات مدتی .

تسلیمات مدتی ، اعمالاتک احضارینی تعجیل ایتمه جک وجهله تعیین اولمایدیر .  
بردن موقع استعماله وضعی لزومی اولمیان بیوک سپارشاتده قسم قسم تسلیماته مساعدده  
ایده زک ، مع ذلك صوک تسلیمات ایله هر بر قسم تسلیماتلر ایچون تا بدایتدن معین  
برر آرم مدتلرینک وضع و تعیینی مقتضیدیر .

ه. بالیهلق صورت ونوعی ایله بالیه مالزمه سنک حفظ ویا اعاده سی حقنده ایجاب  
ایدن قرارک اعطاسی .

بونک حقندهده بر حکم ویرمک بالاخره وقوعه کلکی ملحوظ بولنان اختلافاتک منع  
ظهوری جهتندن اهم اولمغله برابر ، تکالیفک تقدیمی خصوصندهده بیوک بر تأثیر اجرا  
ایلر . زیرا : بیوک سپارشاتده بالیه مالزمه لرینک اپی بر بهایه بالغ اوله جفتدن ، مثلاً  
۱۰۰,۰۰۰ متره چوخه نك تقریباً ۸,۰۰۰ متره قدر قناوچه بزبنه لزوم کوستیریر .

و. وقت زمانیه ایفا اولنه میان تعهدانه قرشی وضع اولنه جق جزای نقدینک تعیینی .  
ز. تأمینات آچمه لرینک مقدار و مدت ضبطی ، طالبلر طرفندن تعهدک تسلیماتدن  
صکرده دوام ایتدیرلمسی لزومی احتمالاتنه بنساء ؛ دوام ایده جک مدت قدر تمامیه  
حکومتک یدنده حفظ اولنور . ( ۲۹ صحیفهده ج ماده سنه مراجعت )

ح . سپارشاتک تسلیمی .

ط . تأدیه موقعنک تعیینی .

مثله اعطاء اولنان مناقصه قائمه سنک مطالعه سی .

۴ . کبرک شرائط عمومیه و کرکسه شرائط خصوصیه اويله مختصر وقطی اوله رق  
یابئلی که ، بالاخره طالبلرله عقدایدیله جک قونطوراتلرده ، بشقه هیچ برشیته احتیاج مس  
ایتدیرمیه جک صورتده صاغلام بر اساس اوله رق اتخاذ ایدیله بیلسون .  
ایروجه برقونطورات دفترینک طوتلمسی قطعاً بی لزومدر .

۵ . هرایکی شرائط مودلرینک عینی متن اوزرینه ترکیه و فرانسزجه لسانلرنده اوله رق  
مطبوع بولنمسی مقتضای حالندیر .

## ب . مناقصه قائمەسى

مناقصه مدتى ، احاله و قوبوراتك عقدى

۱ . منافصه قائمەلىرىنك اعلانى يانظارتلر وياخود ولايات ادارهلىرى ( اردو لوازملرى ) طرفندن اجرا ايدىلور . بوموقعلر ( ۱ . مادهسندە ) بيان اولنان شرائطى دە ترتيب ايدرلر و ايجاب ايتدكە مثلا : فابريقلر ، انبار ادارهلىرى كېيى مذكور سپارشاتى بالذات استعمال ايدىمەك اولان مواقع ادارهلىرىنى دخى ، كوريلهك ايشك يشىل ماصه محصولى اولماسى ايجون بىلكدە اشتراك ايتدىرمەكە مجبوردرلر .

۲ . سپارشاتك نوعنه نظراً ممكنسە قائمەلىك اعلانسندە نمونەلىك علاوهسى دخى طلب ايدىلميدىر . وكذا مناقصەيى اعلان ايدىن موقع بالذات كىندى طرفندن مهور نمونەلىر اعطا ايتمشە بيله ، تەكلىفاتك حين اعطاسسندە دائماً طالبلىك كىندى اعمالاتلرندن نمونە ايتىلميدىر . هېچ برزمان مەتەدىك ادارهلك اعطا ايدىكى نمونە وجهەلە تسليماندە بولەجنى افادەسەنە قانع اولماميدىر . انجق كىندى طرفندن مهور نمونەيه موافق تقديم ايلەجىكى مودەل اوزرىنە مذكور طالبك درجە اقتدار وقابلىقى حقندە قناعت حاصل اولە بيلور . بناءً عليه مەتەدىلرە ، قائمەلك اعلانيله مناقصه مدتى بىنندە ، نمونەلىرىنك اعمال امكانى ايجون برزمان براقلىق لازمدر .

۳ . شرائط خصوصيەدە دخى دائماً عموميتلە سپارش اولنەجق مادەلك اك اشاغى اوصافى ذكر اولنەرق بو شرائطدن دها فضلە اىي مالك تقديمى خصوصى مەتەدىلك عەدەسەنە ترك وحوالە ايدىلميدىر .

۴ . ھەر بىر قائمە كرك عمومى وكر كسە مەتەدىلرەن محدود ومقنن بر دائرەيە منحصر بولنسون ، ھەر حالەدە مەتەدىلك اعطاي قرارلىرى ضمنندە حاز اھميت اولان سالف الذكر بيانى قيصە و مختصر بر صورتدە تەماملە احتوا ايتىسى ايجاب ايتدىكى كېيى على الخصوص مواد آيتىيىدە شامل بولنميدىر .

۱ . سپارش اولنەجق مادە ومقدارى ،

ب. شرائط ، نمونه‌لر ، شكللر حقنده كسب اطلاع ايتمك .

( مناقصات خصوصيه قائم‌لرنده شكل ونمونه‌لر برلكده ربط وعلاوه اولنور . )

ج . تكاليفك تقديم وآچيلسي ايچون موقع وزمانك تعينى .

تكاليف تحرير آقبالى وممهور ظرفلر دروننده تقديم اولنورلر .

د . طالبلرك درجه اقتدار وقابليتلىر حقنده اثبات طلبى .

۵. مناقصه دائماً ، ضبطنامه تنظيم ايدن بر كاتبله شعبه مديرى طرفدن صورت علنيده اجرا اولنور .

تكليف ورقه‌لى طالبلرك حضورنده آچيله‌رق يوكسك سسله قرائت اولنور .

جريان ايدن معامله‌نك ضبطنامه‌سى طوتيله‌رق ، تكاليف صره‌سيله حين كشادلرنده

درحال طالبك اسمى ، تاريخى واعطا ايلديكى فيأنلر قيد اولنور .

ضبطنامه ؛ مدير ، كاتب وحاضر بولنان طالبلرده امضا ايتديريلور .

ضبطنامه‌نك محتوياتى افشا اولتماز .

۶. احاله‌نك اجراسى .

سپارشات عاديده نمونه‌لرك اوزون اوزادى به معايه‌سنه لزوم كورلمديكى تقديرده ،

احاله‌نك همان اوكون مناقصه ائناسنده اجراسى قابل اوله‌بيلير .

نمونه‌لرك اصحاب وقوف طرفنده تماميله معايه‌سنه احتياج مس ايتيديكى حالده ،

مذكور نمونه‌لر اوزرينه برر نومرو وضعيله - ايجاب ايدرسه فيأنى دخى يازيله‌رق -

وقفط عائد بولندينى تبارك استمك قطعياً مكتوم طوتلمى شرطيله بر اهل صنعته وياخود

اهل صنعتدن مركب بر قوميسيونه برائى تفتيش اعطا اولنور .

كرك مذكور اهل صنعت اولان كيمسه وياخود قوميسيون ، تفتيش ايتيديكى نمونه‌لرك

بهري حقنده نتيجه تفتيشاتى معان آيروجه بر راپور تقديم ايده‌جكى كې امتعه‌لردن لك

اييسى اوزرينده مطالعاتى قطعى صورتده بيان ايتلدير .

مناقصه قائمه‌سنى اعلان ايدن موقع ، نمونه‌لرك اوصاف و فيأنلرينه نظراً انتخابى اجرا

ايلر : عمومى مناقصه‌لرده لك موافقى ، خصوصى مناقصه‌لرده ايسه عيى سويده اى

اولان نمونه لردن اِك اوجوز تىكلىنى قبول ايدرك ، آلك اوزرىندە احالەسىنى تقرر ايتديرر .

احالەلر دائىما ايكي كشي طرفندن اجرا ايتديريلور .  
نظارەتلردە :

عائد بولندينى دائرە رئيسيله كذا عائدتي بولنان شعبە مديرلى طرفندن .  
ولايات اداره لرندە : ( اردو لوازم لرنده )

مذكور اداره نك رئيسيله عائد بولندينى شعبە مديرى طرفندن .  
مناقصە لردە ، اوصافجه بربرينك عيى بولنان نمونه لر عيى فيآتندە بولنە جق اولورلرسە ،  
بو حالده مذکور متعهدلرە بردها تنزيل فيئات ايدە يىللىرى ايچون برمدت بخش ومساعدە ايدىلميدىر .  
بو دفعەدە فيئاتلردە يىنە مساوات حاصل اولورسە ، بونك بردها تكرر اريله ؛ يىنە  
برابر لكدە قالە جق اولورلرسە ، او وقندە ياقرە چكديريلور . ويا خود قابلسە سپارشات  
مذكور ايكي طالب يىنندە تقسيم اولور .

احالە اسبابنك تحريراً مضبوطيه درجى ايله ، مناقصە معاملاتندە كي بتون تىكليف  
ورقەلرى ومناقصە قائمە سنك شرائطى بالآخره متعهدك حساب پوصله سيده ديوان محاسبات  
طرفندن تفتيش ايدىلك اوزرە علاوہ ايدىلور !

۷. احالە نك تقررى اوزرىنە ايجاب ايدن مقاولە حقندە مناقصە يى اجرا ايدن موقع  
طرفندن هيچ بروجهلە احكامى خلافتدە حركت قابل اولمىه جق صورتدە تيمريرى  
بر حجت رسميه چيقارتيلور .

بالخاصه سپارشاتك مقدار وفيئاتنك تعيينى خصوصندە وضع اولنان ارقام شاين اهميت  
اولمغله عيى زماندە يازى ايله دە يازىلميدىز .

حك وسيلنتى ممنوعدر .

سپارشاتنك شرائط عموميه وخصوصيه لريله نمونه وشكلر والى جمله سنك متعهدە امضا  
ايتديريلهرك مقاولە يە ربطى حالندە ؛ كويا بالذات مقاولە نامە ايچندە محرر ايمش كى  
حكم وتاثيرى حائز بولور .

متباقيسى ايچون بشىجى فصلك مطالعەسى .

## ج . سپارشاتك تسليمى ،

تفاسيط ايله تأديت ، وظیفه تکفیل ، تأمینات اچمسی ، اختلافات

۱. سپارشاتك اخذ و تسليمی قاعده مذکور اشیانك امر و اداره سنه مأمور اولان موقع ، یعنی مواقع اداره لری طرفندن وقوع بولور . مثلاً : انبارلر ، قاپریقلر ، ملبوسات اداره خانهلری الخ .

بیوجك سپارشاتلرده تسليم آلمق ایچونده آیروجه بر قومیسینده تشکیل اولنه بیلور . مثلاً : اسلحه ، آراهه الخ .

هیچ بر زمان مفاوله نی اجرا ایدن موقع بالذات سپارشاتیده تسليم آلاملیدر . بو وجهلده بیطرفلق خصوصی ده ائی محافظه ایدلش اولور .

۲. تسلیماتك تفتیشی سپارشات شرائط عمومیه سنه نظر آ اجرا اولور . تسلیمات موجب اعتراض بولمیدنی حالده ، تسليم آنسان موقع طرفندن متعهدك یدینه بر مقبوض علم و خبری ویریلور که ؛ اشته مناقصه قائم سنی اعلان ایدن موقع ، قونطور ائده مصرح مبالغه تأدیه حواله سنی اشبو مقبوض اوزرینه اعطا ایلر .

۳. بیوک سپارشاتیده متعهدلرک ، تسليم ایلش اولدقلری اقسام تسلیماتلرینه مقابل قیمتك  $\frac{۱}{۱۰}$  نسبتنده تفاسیط تأدیه سی شایان توصیه در .

مناقصه شرائطی قائم سنده بیانی اقتضا ایدن بوکبی مساعدات ايله ، اعطا اولنان فیات تکالیفی اوزرینه ده یک زیاده حسن تأثیر اجرا ایدلش اولور . زیرا بو وجهله متعهد سپارشاتك اعمال و احضاری خصوصنده فائضله بر سرمایه قالدیرمغه یک آز مجبور اوله جمندن ، والا که کندینی بویله برزیانندن وقایه ایتمکلهکی بالطبع یوکسك فیات تکالیفنده آراهه جقدی .

۴. بیان اولنان ملاحظات ، سپارشاتی تعهد ایدنلردن طلب ایدیله جك تأمینات اچمسنك مقداری حقنده ده قابل قیاسدر .

بونك ایچون سپارش اولنان ماده نك یكون عمومیسندن ۵-۱۰ درجه سنده بر تأمینات آلمق کفایت ایلر .

اشبو تا مینات اچهلرینک متعهدلردن طای . تقرر ایدن احواله دن صکره و قونطوراتک عقدندن اول اولمیدر .

تا مینات اچهلری سپارشاتک نهایته قدر امانتاً ویریلان موقعه حفظ اولمسی لازمدر . فقط اصلاً مذکور یاره ایله متعهدلره تأدیاته بولماملیدر .

۵. برچوق سپارشلرده متعهدلرک تسلیماتک ختامندن صکره ده معین برزمانه قدر دهاتحت تکفله بولندیرلمقله توظیفلری موجب محساندر ، مثلاً : آراهه وامشالی مثلاًو شیرله ، اسله الخ . کبی مادهنک قصور وقابلیتنی اکلامق ایچون ۱- سنه ، قشلهلرک بویادلمسی رنکک نباتی تفحص ایده یلک مقصدیله ۱-۲ سنه والخ . بو مثلاًو احوالده دخی تا مینات اچهلرینک وقوعولان تسلیماتدن صکره ده وظیفه تکفلهلرک ختامنه قدر عسکری قاصه سنده قالمسی ایجاب ایدر .

۶. هر مقاوله ده محکمه موقعی ، یعنی براختلاف ظهورنده هانکی موقعه کی محاکمه مراجعت اولنه جفیده ذکر اولمیدر .

فقط علی الاکثر کرک حکومت و کرکسه متعهد ایچون معاملهنک تسریعی امرنده محکمه مراجعت ایتزدن اول حکم تعیینی صورتیله اویوشولمغه غیرت ایدلمسی ده نافع اولور .

بو اوصول معامله ایله اکثریا اوزون بر دعوایه اتیلقدن صاقنلش اولور . حکومت و متعهد ، هرایکی طرفدن بهری ایستدکلری قدر صاحب وقوف کیمسه لر انتخاب ایدرلر . بولنده کندیلری طرفندن بیطرف بر سر حکم تعیین ایدرک . بوبش ویا ده زیاده اشخاصدن تشکل ایدن قومیسون اولا موجب اختلاف اولان نقاطی حل و فصل ایله مؤخرآ تألیف بین اتمک چاره لرینی تحری ایلر .

تألیف بین قابل اولمدینی تقدیرده ، طبیعی هرایکی جهته کده اصل محکمه حق مراجعتلری باقی قالور .

## بشنجی فصل بر مناقصه قائمہ سی نمونہ سنہ مشال

بر مناقصہ ضبط نامہ سی، بردہ سپارش مقالہ نامہ سی ایلہ اوکا متعلق عمومی و خصوصی  
سپارشات شرائطی .

اخطار ! آلتی قالین چیزکیلی اولان کلمات دائماً نمونہ نک مطبوع اولہرق بولنہ چق  
محتویاتی ارانہ ایدر .

اشبو اصول معاملہ نک تطبیفی یالکز سپارشات جقندہ اولمیوب ، ایجاب ایدن  
خصوصات سائرہ ایچوندہ مثلاً کمی ایلہ نقلیات ، بیوجک انشاآت تعمیراتی ، مجدداً  
انشا آتلردہ و خصوصیلہ بورادہ کی صنایع اقسام و شعباتہ الح نظراً آیری آیری اجرا  
ایدیلور .





## ۱. مناقصه قائمہ سی اعلانی

### اعلان

واضع امضا اداره طرفسندن ( ۶۰ ) عدد صحرا فروشک سپارشی خصوصندہ مناقصہ  
اجرا ایدیلہ جکندن یوم مناقصہنک ۱۳۲۶ سنہ سی ۱۹ کانون ثانی تاریخندہ آلا توروہ  
ساعت ۶ دہ  
اوطہ سندہ وقوعہولہ حفی بیان اولنور .

طالبہ تعیین اولنان مدتہ قدر تکلیف ورقہ لریلہ برلکدہ درجہ اقتدار ولیاقتلرینی مصدق  
برر رسمی شہادتنامہ ایلہ مراجعت ایللری لازمدر .

تسلیمات شرطنامہ سنی هر کون اداره دہ کورملک و یا خود  
مقابلندہ بر صورتی آلمق ممکندر .

در سعادت — ۲۷ تشرین ثانی سنہ ۱۳۲۶

حربیہ نظارتندہ

معینات عسکریہ شعبہ سی

تنبیہ — بالادہ کی بیاننامہ یی اگر مناقصہ عمومی اولہ جقسہ، غرتہ لرلہ اعلان ایدیلور .  
خصوصی اولہ جق ایسہ بونک ایچون انتخاب اولنان متعہ دلرہ آیری آیری تحریر آ  
مراجعت اولنور .

## ۲. قونطورات، شرائط عمومیه سی

۱ - تکلیف ورقلرینک : طالبلر اوضالی تکلیف ورقلرینی قمرزی مومله مهور  
شکلی ونمونلر.

ظرفلر دروننده اولدینی حالده تعین اولنان زمانه قدر تمهدلی  
اوله رق پوسته ایله یاخود بالذات یاخود مأذونیت تامهیی حاز  
بروکیل واسطه سیله تقدیم ایده جکلر در.

تعین اولنان زماندن صکره واصل اولان تکلیف ورقلری نظر  
اعتباره آلتماز . نمونلر یاخود رسملر طلب ایدلمش ایسه مهور  
اوله رق تکلیف ورقله سیله برلکده ویرلملیدر.

مه رلی اولان ظرفلر اوزرینه « صحرا فرونلری حقنده تکلیف  
ورقله سی در « طرزنده موضوعی یازلملیدر.

۲ - مناقصه آتی : تکلیف ورقله لری مناقصه آننده طالبلر مواجهه سنده آچیله رق  
صورت علنیده قرائت اولنه جقدر .

مختلف طالبلر طرفندن عین فیأتی حاوی تکلیف ورقله لری  
ویرلمش ایسه هر حالده بالکمز اشبو طالبلر میاننده یا درحال  
ویاخود مؤخرأ یکیدن مناقصه اجرا اولنه جقدر . شرائطه توافق  
ایتمیان تکلیف ورقله لری کآن لم یکن حکمنده در.

طالبلردن هر بری تکلیف ورقله لری آچیلقدن اعتبارأ  
هفته توندردکاری تکلیف ورقله لینه مربوط قالیرلر.

۳ - احاله نك صورت احاله اداره نك قراری اوزرینه ظرفلر آچیلدینی آنده (۱)  
اجراسی : ویاخود تکلیف ورقله لیه نمونه ورسملرک دوام ایده جکی مدت

تدقیق و تفتیشه نظرأ تاریخننده وقوعولور.

عمومی مناقصه لرده احاله خصوصی، اداره نك تعین وقراریله تقدیم  
قلنان تکلیف ورقله لرندن کندیسنه اکثریاده موافق بولنانی اوزرینه  
اجرا اولئور . اک اوجوز اولانی اکثر موافقی اوله رق تلقی اولنه من

(۱) شو حال واقع اولمازسه زائد اولنلر جیزیله جکلر.

خصوصی مناقصه لرده ایسه . عین صورتده نفاستی حائز اولان  
نمونلردن قاعده‌ا ک اهونی اوزرینه احاله سی اجرا اولنور .  
اعلان ایدن اداره هربر مناقصه معاملاتی بر سبب بیان ایتکمزین  
حکمسز بر افقه و سپارشی آخزینه ویرمکه صلاحیتداردر .  
هربر احاله دن صکره بر خصوصی قونطورات تنظیم اولنور .

۴ — تأمینات آچمه سی : احاله یی قازانان متعهد سکز کون ظرفده قونطورات قیمتک  
یوزده الیسی نسبتنده معین یکونی حاوی ( نقد یا خود اوراق  
نقدیه و یا خود بانقه کفالتی « قره دی » اولقی اوزره ) تأمینات  
آچمه سنی شرائط خصوصیه ده بیان اولنان قاصیه تودیع ایتمی  
و مبلغ مذکور سندیی قونطوراتک تنظیمدن مقدم تسلیم الیسی لازمدر ،  
تأمینات آچمه سی وقوعبولان تسلیماتک اکلانه یا خود شرائط خصوصیه ده  
تعین ایدیلن کفالت وظیفه سنک انقضاسنه قدر معین اولان قاصده قایلر .  
تأمینات آچمه سی تسلیماتک فالغندن و یا خود وقت معینده تسلیم  
ایدلامسندن طولای اداره تولد ایده جک هر درلو ضرر وزیانک  
تضمینه خدمت ایدر .

۵ — تسلیات مدتلری : شرائط خصوصیه ده تعین و تحدید ایدیلن تسلیات مدتلری قطعاً  
محافظه ایدیلور . اداره وقت معینده وقوعبولیان تسلیماتندن طولای  
قونطوراتی مفسوخ عد الیکده و یا خود متعهد حسابنه اوله رق  
دیگر محلدن مباحه و استکمال ایتکده سربستدر . محتمل اولان  
فضله فیثانه قارشیی تأمینات آچمه سی صرف و استعمال اولنور .  
متهدلر تعهداتلری ایفا خصوصنده تمدید مدت استرحامنده  
بولنیه جقلردر .

۶ — تسلیماتک تسلی : تسلیماتک قبول معاملاتی شرائط خصوصیه ده تعین اولنان محالرده  
وقوعبولور . انشای قبولده تسلیماتک اقسام و یا خود پارچه لرندن نمونه  
موافق اولمدینی تبیین ایدنلر متعهد طرفندن در حال تبدیل ایدیله جکدر .

تسلیماټک ربغندن زیاده سی نمونه توافقی ایتدیکی تقدیرده اداره  
در حال قونطوراتی فسخه ووقت معینده وقوعبولمان تسلیماټ  
حقنده کی مقررات وجهله ایقای معامله صلاحیتداردر .

ا کر متعهد تسلیم ایتدیکی مال قبول ایدلمدیکی واداره طرفندن  
تعین قلنان زمانده امتعه سنی کری آلمدینی تقدیرده  
کجه جک ایلک آی ایچون قیمت امتعه یه کوره یوزده بش و آلتی آیه قدر  
تعاقب ایدم جک بهر آی ایچون یوزده اون ارضیه تأدیه سنه مجبورد .  
شاید امتعه آلتی آی ظرفنده قالدیرلمدینی تقدیرده اداره امتعه بی  
بالمزاید فروخت ایدوب ایچروسندن ارضیه سنی بالاخذ متبایستی  
متعهد تسلیم ایدر .

ا کر امتعه آز زمانده تفسخ ایدیجی ، بیه جک بر ماده ایسه کرو  
آلمدینی تقدیرده همان مزایده قونور .

۷ — تأدیات و مقسطاً وقوعبولان تسلیماټه مقابل بر مقبوض اعطا اولنهرق ؛ تأدیاتک  
تأدیات : حواله سیده اشبو مقبوضه نظراً اجرا اولنور .

قسم قسم تسلیماټلرده عثمانلی لیراسندن زیاده قیمتی حائز  
اولان هر قسم تسلیماټ ایچون متعهدک ارزوسی اوزرینه تسلیماټ  
قیمتک<sup>۹</sup> ی نسبتنده بر تقسیط طلبی اسعاف اولنهبیلور .

شرائط خصوصیه ده تعین و تحدید ایدیلن تأخرات جزالر  
ویاسار جزالر مدتی حلول ایدن تأدیاتدن در حال توقیف ایدیلور .

۸ — محاکم واختلافات : متعهد عاند دعوالر یالککز دولت عثمانیه محاکمکنده رؤیت  
اولنهبیلور .

تسلیماټدن طولایی ظهور ایدن هر هانکی بر اختلاف اوزرینه  
متعهدک اصولی دأره سنده بر محکمه یه مراجعتدن مقدم طرفینک  
تألیف بینی ایچون حکم اصولنه مراجعت ایلسنه مساعده اولنور .

هیئت اداره ایله متعهد هر ابکی طرف اهل خبره دن ایکیشر کشی بی

حکم اوله رق انتخاب ایدرک بونلر ده تکرار بیطرف اولان  
بر بشجی بی سر حکم تعیین ایدر لر .

حکم هیئتک حکم وقراری طرفیندن بری طرفندن قبول ایدلر سه  
قطعی اوله ماز .

۹ — متفرق مصارف قونطورات معاملاتی ایچون مقتضی اولان پول، تمغا و سائر متفرق  
و تمغا رسمی :

۱۰ — هدایا : متعهدک هیئت اداره نک هر هانکی بر مأمورینه و یا خود عمله سنه

پاره یا خود هدایا و یا خود سائر بر تمتع تقدیم ایلمی و یا خود  
او چنجی بر مشخصه کوندر می قطعاً ممنوعدر . بویله بر حاله جرأت  
اولدینی تقدیرده در حال قونطورات مفسوخ حکمنده اولور .

و هدیه قیمتک یکر می مثلنه معادل بر مبلغ قونطورات جزاسی  
اوله رق متعهددن توقیف اولور . بو جزا تأمینات اچمه سندن  
آز اولدینی حالده تأمینات اچمه سی ضبط ایدلدیکی کبی بعدما او  
متعهد حکومتله معاملاتده بولندیرلماق اوزره تشهیر اولور .

۱۱ — امضالر : هر بر طالب آلتنه وضع ایدلدیکی امضاسیله شرطنامه محتویاتی  
تماماً قبول ایدلدیکنی بیان ایتمش اولور .

### ۳. شرائط خصوصیه

۱ — سیار شک نوعی : ۶۰ الشمس عدد صحرا فرونلری

۲ — سیار شک اوصافی : فرونلر مربوط اولان رسم و تعریفاتلر موجبجه ا کال اولنه جقدر . هر بر فرون بهری . کیلو غرام نقلتده عدد آتمک استیعاب ایدمک و ..... ساعت ظرفنده طبخ ایلیمک طرزده اولمیدر . آرابه لرك قسم تختانیسنده ایکی تکرلک بیننده کی آراق . . . . . ساخنمه اوله جق فرونده داخل اولدینی حالده آرابه لرك بهرینک مجموع ثقلاتی کیلو غرامی تجاوز ایلیمک جقدر . هر بر آرابه ۲ یاخود ۴ بار کیرله جرایدیمک صورتده تربیاتی حاوی اولمیدر .

۳ — فیات ویرمک : طابیر هر بر فرون صندوقلنمی داخل اولدینی و نقلیات مصارفی

داخل اولدینی حالده فیات ویرمک جقدر در .

۴ — تسلیمات : تسلیمات بروجہ آتی وقوعبولور :

برنجی اردویه عائد  $۱۲ \times ۱ = ۱۲$  فرون استانبولده استاسیوننده ویاخود واپورده تسلیم اولنه جقدر .

ایکنجی اردویه عائد  $۱۲ \times ۲ = ۲۴$  فرون ادرنه استاسیوننده ویاخود دده آغاچ اسکله سنده تسلیم اولنه جقدر .

اوچنجی اردویه عائد  $۱۲ \times ۲ = ۲۴$  فرون سلانیک استاسیوننده ویاخود واپورده تسلیم اولنه جقدر .

نقلیه مصارفی صورت خصوصیه قرا لشدیریلور .

۵ — تسلیاتک زمانی: ایکنجی اردویه عايداولان ۱۲۸۱ فرون نهایت ۱ تشرین اول ۳۲۷ تاریخنه قد

»	»	»	»	»	اوچنجی
»	»	»	»	»	برنجی
»	»	»	»	»	ایکنجی
»	»	»	»	»	اوچنجی

اشبو زمانلر متعهدک فابریقه سندن یوله چیقاریله جق اک نهایت  
کونلری افهام ایدر . قبول قومیسونی ( ۹ نومروده اولدینی کبی )  
اکال اولدینی بیلدیره جکدر . (\*)

۶ — صندقلامه : نقل اثناسنده صندقلامه نك جنسی ونوعی متعهدک ارزوسنه تابعدر . (\*)  
یاخود اداره در عهده ایدر .

۷ — تأخرات جزاسی : متعهدک ارسالات استاسیوننه (یاخود اوراده بولنه جق قومیسون  
مخصوصه (\*) وقوعبولان تسلیاتنده هر کونکی تأخرات ایچون  
بهر فرون باشنه لیرای عثمانی حسابیله تأخرات جزاسی  
اعطا ایلیه جکدر .

۸ — تکفل وظیفه سی : متعهد ۴ نومروده بیان اولنان زماندن اعتباراً ۱۸ ماه  
صکرمه سنه قدر اعمالانک نفاستی وبالخاصه مالزمه نك خطا ونقصان  
عاری اولدینی تکفل ایدر .

۹ — تسلیم وقبول : قبول معاملات بر قومیسون مخصوص واسطه سیله متعهدک  
فابریقه سنده وقوعه کلدرک . اولا مالزمه بالذات موجودیتی نقطه  
نظرندن معاینه وبالاخرده بروجہ آتی صورتده تفتیش اولنور :  
 ۱ . بلا انقطاع ایکی کون پشیرمه تجربہ لری .  
 ۲ . ارزو اولنان اراضی اوزرنده حرکت تجربہ لری بونک ایچون  
لااقل یومیہ ۲۵ کیلو متره مسافه قطع ایدیله جکدر . اشبو تجربہ لری  
متعاقب قومیسون طرفندن قبول علم وخبری اعطا اولنور .

(\*) بوکی احوال وقوعبوللار سه چیزیلور .

تجربہ لک دوامی مدتہ متعہد یا بالذات ویاخود طرفندن بروکیل  
بولندیرہ جقدر .

۱۰ — تأدیات :

تأدیات ۹ نومسوده بیان اولن ان مقبوض علم خبرینه نظر آ عائد  
اولدینی اردو لوازم اداره سندن ویریله جک حواله نامه اوزرینه ،  
اردو وزنه سی طرفندن اجرا اولنور .

بالاده بیان اولن ان شرائطی قبول ایلدک  
 برلین فی سنه متعہد ل  
 ع ق د ح



## ٤. مناقصه ضبطنامه سی

درساعات ١٩ کانون نانی ١٣٢٦ بعدالزوال ساعت ٦

١. صحرا فرو نلرینک سپارشی حقنده اجرا اولنان خصوصی مناقصه دن تفریق وانخاب  
اولنان بروجہ آتی شرکتلر :

- .....ا ویانده
- .....ب برلینده
- .....ج موسقواده
- .....د فرانقفورتده
- .....ه یارسده
- .....و پشتهدہ

٢. بش عدد تکلیف ورقه سی ورود ایش و بونلرده بروجہ آتی تکلیفاتی محتوی بولمشدر :

١. ویانده	...ا	شرکتی	٣٨٥	عثمانلی	لیرای	برفیئاتله
٢. برلینده	...ب	»	٣٧٧	»	»	»
٣. فرانقفورتده	...ج	»	٣٦٢	»	»	»
٤. یارسده	...د	»	٣٨٤	»	»	»
٥. پشتهدہ	...ه	»	٣٦٢	»	»	»

٣. یالاده کی فیئات نقلیات مصارفی داخل اولمادیفی حانده در .

٤. بونلردن (د...) و (و...) شرکتلرینک تکلیفاتی یکدیگرینک عینی اولدیغندن  
تزیلات اجرا ایتلمری ایچون تفریق اوله رق یکی تکلیفاتلرینی ٢ شباط ١٣٢٧ تاریخنده  
و آلا تورقه ساعت ٦ یه قدر ممهور اوله رق تسلیم ایللمری طلب اولنور .

ختم بولمشدر

کاتب  
رئیس  
س...  
ح...

## ٤. علاوسی

٢ شباط ١٣٢٦ بعد الزوال ساعت ٦ مابعد

١. مناقصه نك مابعدندن وارد اولان :

١. فراتقفورتدن ..... د ..... شركتى طرفندن

٢. پشتهدن ..... و ..... " " "

يكي تكليف ورقه لر نك كشدنده :

د .... شركت نك ٣٥٥ عثمانلى ليراسى

و .... " ٣٥٠ " " "

تكليف ايلديكي نيين ايلمشدر .

٢. مناقصه زمانى اولان ١٩ كانون ثانى تاريخندبرى رسم ومالزمه نمونه لرى حقنده اجرا اولنان تدقيقات وتجربه لرك موافق شرائط اولدينى. ونقلياتك بودا پشتهدن اهون بولندينى تبين ايلديكندن ٣٥٠ يالكز اوجيوز اللى عدد عثمانلى ليراسى فياتله سپارشاتك كافه سى و .... شركته احاله اولمشدر .

٣. مذكور شركت نك ٢٥ شباط تاريخنه قدر الشمس فرون فيات نك  $60 \times 350 = 21,000$  ليراي عثمانى وبونك ٦ حسابيله  $1260 =$  ليراي عثمانى تاامينات آچه سنك انتخابى وجهه نقداً ويا قيمت مقدرملى اوراق ياخود جك وياخود اشبو يكونى حاوى برنجى صنفدن برباقه كفالتى اوله رق حريبه مركزز قاصه سنه ديپوزيتو ايمسى واشبو ديپوزيتو سندنيله ٢٦ شباط تاريخنده قونطورات تنظيمى ايجون بتكرار اثبات وجود ايلسى تنبيه اولنور .

ختم بولمشدر .

كاتب	شعبه مدبرى	داره رئيسى
ى ...	ح ...	ع ...

## ۵. قونطورات

حکومت عثمانیه حربیه نظارتی معینات شعبه سی  
ایله

پشته ده کائن و ... شرکتی بیننده  
بروجه آتی قونطورات اجرا اولمشدر .

### § ۱.

و ... شرکتی خصوصی مناقصده کنديسنه واقع اولان تکلیفات اساسنه مستنداً  
( ۶۰ ) عدد سیار صحرا فرونی شپارشاتتی صندوقلامه مصارفاتی داخل و نقلیه مصارفاتی  
خارج اولدینی حالده ۳۵۰ یالکیز اوچیوز اللی عثمانلی لیراسی فیأئله تسلیم  
ایتمکی تعهد ایدر . کمرک رسمی ادارهیه عاندر .

تسلیمات ، متعهد طرفندن قبول ایدیلوب ، بوراده تکرار ذکر اولمشجه سنه  
مرعی الاجرا بولان مربوط شرائط عمومیه و خصوصیهیه نظراً ایفا اولنه جقدر .

### § ۲.

طلب اولنسان تأمینات ایقچه سی ( ۱۲۶۰ ) عثمانلی لیراسی قیمتده قیمت مقدره لی اوراق  
حربیه مرکز قاصه سنه وضع ایدلمشدر .

مبلغ مزبورک اعاده سی اک ایرکن ۱۳۲۸ سنه سی ۳۰ مایس تاریخنده وقوع اوله جقدر .

### § ۳.

اقامه اولنه جق دعاوی قطعياً درسمادت محاکمنده رؤیت اولنه جقدر .

درسمادت ۲۶ شباط ۱۳۲۶

متعهد حربیه نظارتی

... ..